

Pendaftar UMS Adakan Perjumpaan Bersama Kakitangan UMSKAL

Terakhir dikemaskini: Khamis, 13 Februari 2020 15:47 | [Cetak](#) | Jumlah paparan: 3

[Kongsi 0](#)

[Syorkan 0](#)

[Kongsi](#)

[Tweet](#)

[in Share](#)



KHAMIS, 13 FEBRUARI - Pendaftar Universiti Malaysia Sabah (UMS), Vina Zahriani Yusof menghadiri Majlis Ramah Mesra Pendaftar UMS Bersama Kakitangan UMS Kampus Antarabangsa Labuan (UMSKAL) di Dewan Theatre pada Selasa.

Dalam ucapannya, Vina mahu semua kakitangan mengadakan pelbagai program dan aktiviti yang menyeronokkan, menjaga kesihatan dan makanan yang mampu

menghilangkan tekanan selepas bekerja seharian di pejabat.

Katanya, aktiviti dan program yang dijalankan itu mestilah yang mampu meningkatkan kegembiraan, diadakan secara santai dan mengukuhkan ukhuwah dalam kalangan warga UMSKAL.

“Pada hari Jumaat pula, saya mahu kita mengadakan pelbagai program dan aktiviti yang berbentuk keagamaan sama ada yang bergama Islam mahupun bukan Islam.

“Manakala pada hari Rabu, buatlah aktiviti riadah dan sukan bagi memastikan kakitangan UMS sihat, cergas dan cerdas,” ujarnya di hadapan kira-kira 100 kakitangan pentadbiran UMSKAL yang hadir.

Rombongan Pendaftar UMS turut disertai Ketua Bahagian Sumber Manusia, Masri Judah; Ketua Bahagian Pengurusan Kualiti, Nortir Sirin; Ketua Bahagian Pentadbiran dan Governan, Sharifah Ismail; dan Ketua Bahagian Keselamatan, Lt Kol (B), Talib Ariffin.

Pada majlis itu, Vina juga mahu kakitangan sentiasa menjaga disiplin sekali gus menjaga nama baik UMS seperti yang diharapkan Naib Canselor UMS, Prof Datuk ChM. Dr Taufiq Yap Yun Hin.

“Kita kena bekerja untuk manfaat dan kebahagiaan orang lain terutama pelanggan UMS,” tambah beliau.

Turut hadir Timbalan Pendaftar Kanan UMSKAL, Zamri Mohamad Tuah; Penolong Pendaftar Kanan, Mas Adi Alimin; dan Ketua-ketua Sektor.

Sumber: Azri Onn

